

山谷外集詩註

山谷外集詩注卷之七

和答魏道輔寄懷十首

魏泰字道輔襄陽人曾子宣婦弟有東軒錄

堂堂陽武云人物妙晉東

晉魏舒字陽元太白詩能成五宅相不減魏陽元

魏侯多能事髣髴見家風長魚无波濤坐與蝦蟇同

後漢隗囂傳魚不可脫於淵神龍失勢與蚯蚓同

諸山搖落尽旅食歲時窮

杜詩旅食京華春

平生弄翰墨客事半九州天末逢故人

老杜天末懷李白云涼風起天末君子意何如

園蔬當肴羞酒闌豪氣在尚欲椎肥牛

次高祖紀酒闌注云飲酒者半罷半在謂之闌魏志季布傳許況曰陳元龍湖海之士豪氣不除桐江詩話云魏道輔與王介甫兄弟最相厚試院中因上請恃才豪縱歐主文幾死坐是不許取應

虞卿不窮愁後世无春秋

史記虞卿傳不重万户侯卿相之印與魏齊間行卒去趙困於梁不得意乃著書世傳之曰虞氏春秋太史公曰虞卿非窮愁亦不能著書以自見於後世云

雷行万物春

易无妄天下雷行物與无妄

天震而地撼閉塞成冬冰

月令孟冬之月天地不通閉塞而成冬

楚越自肝膽

莊子德充符篇自其異者視之則肝膽楚越也

貂狐諒柔溫

貂狐見上溫柔卿見趙飛燕外傳

藜藿自羹糝

藜羹不糝見上六家人要云墨氏枵梁之食藜藿之羹

相思牛羊下

詩牛羊下來

城鼓寒統一

晉鄧攸傳吳人歌曰統一如打五鼓雞鳴天欲曙

劍埋豐城獄氣與牛斗平

見上

皇明燭九幽

文選西都賦云散皇明以燭幽山海經曰赤水之北有神其瞑乃晦其視乃明是燭九陰是謂燭龍黃庭經九幽日月洞虛无

前夜用神兵

周亞夫傳兵事上神密南史沈慶之傳文帝北侵慶之處分旬日内外整辦時皆謂神兵杜詩近賀中興主神兵動朔方

誰言黃沙磧

張籍關山月云胡兒夜度黃龍磧唐人出塞曲云黃沙直上白雲間

矢尽鼓不鳴

李陵傳一日五十万矢皆尽夜半時擊鼓起士鼓不鳴
至今門下士落涕爲荆卿

荆軻傳荆軻衛人也衛人謂之慶卿軻爲燕太子丹使
秦左手把秦王之袖而右手持匕首搯之秦王自引而
起左右前殺軻此語爲徐德占也永樂之禍案實錄乃
元豐五年九月時山谷在太和前篇不見征西徐尚
書同時徐德占娶山谷從妹儲子真詩話云道輔少与
徐忠愍及山谷老人友善

別時燕辭屋草黃秋半分今來冬日至稍添刺繡文
添一線見上史記貨殖傳刺繡文不如倚市門

百年幾會合美酒不屢醺犀牛可乞角窮士難薦論

文選蜀都賦拔象齒犀角犀立結反拔犀之角擢象

之齒見唐舒元興傳山谷帖有戲蒼玉勝云易拔蒼龍
角難叅玉勝禪語意与此同

排江鬼瞰室

楊雄解嘲高明之家鬼瞰其室

貫朽粟紅陳

漢食貨志京師之錢累百鉅萬貫朽而不可校大倉之
粟陳二相因紅腐而不可食

君行誰爲容

邳陽傳蟠木根抵輪困離奇而爲万乘器者以左右先

爲之容也

款門定生嗔

漢宣紀款塞來享注云叩塞門也退之詩剥二啄二有

客至門找不出應客去而嗔今言主人嗔也

諒無綈袍故

史記范雎傳綈袍恋二有故人之意

尽是白頭新

邙陽傳白頭如新傾蓋如故

天涯阿介老有鼻可揮斤

阿介老疑是黃介字幾復元豐末為端州四會縣令山谷誌其墓前集和謝公定秋懷云四會有黃令季古著勲多白頭對紅葉奈此搖落何雖懷斲鼻巧有斧且无柯与斲鼻可揮斤語意同阿介云者如晉人以王平子為阿平也斲鼻見上

赤豹負文章

楚詞乘赤豹兮從文狸

歲晚智劓劓

楚詞握劓劓而不用兮操規矩而无所施注劓劓刻鏤
刀也劓亦作劓退之詩先生閱窮巷未得規劓劓上居
蟻切下音厥

渴飲南山霧

見上

飢食西山蕨

張翰傳与子採南山蕨見春菜詩注

封狐託脂澤

封狐文豹見莊子等書离騷經又好射夫封狐注云封
大也郭氏玄中記曰千歲之狐為淫婦百歲之狐為美

女白樂天古塚狐云狐假女妖害猶淺一朝一夕迷人
眼女爲狐媚害即深日長月長溺人心

眉頰頗秀發

唐司空圖山居記云中條距虞鄉百里亦猶人之秀發
必見於眉宇之間

時二一罇酒

老杜何時一罇酒

婆娑弄風月

退之詩我今官閑得婆娑

猛虎倚山号強梁不敢前失身檻穽間搖尾乞人憐

司馬迂書猛虎處深山百獸震恐及其在穽檻之中搖
尾而求食積威約之漸也

男子要身在

退之詩李問藏之身二在則有餘史記魏豹等贊曰智
略絕人獨患无身耳得攝尺寸之柄雲蒸龍變

万金自保全

老杜王孫善保千金軀

雲黃雉兔伏霜鵲莫空拳

杜詩霜鵲不空拳

生涯共七十去日良已半

山谷生於乙酉至庚申作邑太和時年三十六

短長相缺望

滋廬綰傳羣臣缺望缺音决

面一作向尽酒可斷大道体甚寬

老子云大道甚夷而民好徑

窘束非達觀

賈誼傳鵬賦曰達人大觀物亡不可又曰愚士繫俗儻
若囚拘

莫問夜如何

詩庭燎夜如何其

醉從雞号旦

明駝思千里

楊妃外傳貴妃私發明駝以瑞龍腦遺安祿山明駝者
眼下有毛夜明日行五百里酉陽雜俎云古樂府木蘭
篇願馳明駝千里足多誤作鳴駝二卧腹不帖地屈足
漏明則行千里

驚馬怯負荷

智度論云今以負荷大法者比龍象

小人蠹詩書

韓詩古史散左右詩書置後前豈殊蠹書虫生死文字間

安樂北窓卧

國語人生安樂孰知其它

瓢空且乞飯

淵明有乞食詩

兒寒教補破

山谷寫衲襖歌其略云補破遮寒過一生豈問人言妙不妙

機巧主五兵

周礼夏官司兵掌五兵五盾杜詩所歷厭機巧

百拙可用過

傳灯錄宣州栢巖明哲禪師傳藥山云跛二挈二百醜
千拙且待麼過時

代書

阿熊去我時

山谷有非熊墓銘云仲熊其名非熊其字先大夫之幼
子漢外戚傳竇廣德曰姊去我西時与我訣傳舍中
秋暑削甘瓜

魏文帝与吴質書浮甘瓜於清泉

离别日月除

詩日月其除

連房倒箭韞

韞箭室也

得書報平安肥字如栖鴉

玉川子添丁詩忽來案上翻墨汁塗抹詩書如老鴉

汝才躍鈿金自必為鏤鉚

莊子大宗師篇今大冶鑄金一踊躍曰我且必為莫耶
大冶必以為不祥之金

窮年抱新書

新書謂王氏經事

挽條咀春葩

退之進事解含英咀華又詩云東野動驚俗天葩吐奇

芬

弄筆不能休

文選典論云傳毅之於班固伯仲之間也而固小之與弟超書曰武仲下筆不能自休

屈宋欲作衙

唐杜審言傳常語人曰吾文章當傳屈宋作衙官

屈指推日星

屈指計其日見陳湯傳

許身上雲霞

杜詩許身一何愚墓銘云先大天以歲月日時參伍以曆象爲吉祥非熊亦自恃其命曰我生日在申辰在卯歲庚午天地令終富貴